

周

禮

五



周禮卷第九

秋官司寇第五

鄭氏註

惟王建國。辨方正位。體國經野。設官分職。以爲民極。乃立秋官司寇。使帥其屬而掌邦禁。以佐王刑邦國。

禁。所以防姦者也。刑。正人之法。孝經說曰。刑者。例也。過出

施罪刑官之屬。大司寇卿一人。小司寇中大夫

二人。士師下大夫四人。鄉士上士八人。中士

十有六人。旅下士三十有二人。

士。察也。主察獄訟之事者。

鄭司農說以論語曰柳下惠為士師鄉士主六鄉之獄府六人史十有

二人胥十有二人徒百有二十人

遂士中士十有二人府六人史十有二人胥

十有二人徒百有二十人

遂士主六遂之獄者

縣士中士三十有二人府八人史十有六人

胥十有六人徒百有六十人

距王城三百里至四百里曰縣

縣士主縣之獄者

方士中士十有六人府八人史十有六人胥

十有六人。徒百有六十人。

方士主四方都家之獄者

訝士中士八人。府四人。史八人。胥八人。徒八

十人。

訝迎也。士官之迎四方賓客。訝五嫁反。

朝士中士六人。府三人。史六人。胥六人。徒六

十人。

朝士主外朝之法。朝直遙反。

司民中士六人。府三人。史六人。胥三人。徒三

十人。

司民主民數

司刑中士二人。府一人。史二人。胥二人。徒二

十人

司刺下士二人。府一人。史二人。徒四人。刺殺也。三

訊罪定則殺之。刺七賜反。

司約下士二人。府一人。史二人。徒四人。約言

約束。約於妙反。一如字。下同。

司盟下士二人。府一人。史二人。徒四人。盟以

告神。殺牲歃血。明著其信也。曲禮曰。涖牲曰盟。歃所涖反。

職金上士二人。下士四人。府二人。史四人。胥

八人徒八十人

也。職主

司厲下士二人。史一人。徒十有二人。

犯政爲惡曰厲。

厲士主盜賊之兵器及其奴者。

犬人下士二人。府一人。史二人。賈四人。徒十

有六人。

賈音嫁又音古。

司圜中士六人。下士十有二人。府三人。史六

人。胥十有六人。徒百有六十人。

鄭司農云。圜謂圜土也。

土謂獄城也。今獄城圜。司圜職中言凡圜土之刑人也。以此知圜謂圜土也。又大司寇職

曰。以園土聚教罷民。故司園職曰。掌收教罷民。○園于權反。罷音皮。

掌囚。下士十有二人。府六人。史十有二人。徒

百有二十人。

囚。拘也。主拘繫當刑殺之者。

掌戮。下士二人。史一人。徒十有二人。

戮猶辱也。既斬

殺。又辱之。

司隸。中士二人。下士十有二人。府五人。史十

人。胥二十人。徒二百人。

隸。給勞辱之役者。漢始置司隸。亦使將徒

治道溝渠之役。後稍尊之。使主官府及近郡。

罪隸百有二十人

盜賊之家
為奴者

蠻隸百有二十人

征南夷
所獲

閩隸百有二十人

閩南蠻之別。閩
亡巾反。又音文。

夷隸百有二十人

征東夷
所獲

貉隸百有二十人

征東北夷所獲。凡隸眾矣。
此其選以為役負其餘謂

之隸民。
貉孟百反。

布憲中士二人。下士四人。府二人。史四人。胥

四人。徒四十人。

憲表也。主
表刑禁者。

禁殺戮。下士二人。史一人。徒十有二人。禁殺戮者。

禁民不得相殺戮。

禁暴氏。下士六人。史三人。胥六人。徒六十人。

野廬氏。下士六人。胥十有二人。徒百有二十

人。廬。賓客行道所舍。

蜡氏。下士四人。徒四十人。蜡。骨肉腐臭。蠅蟲所蜡也。月令曰。掩

骼埋。此官之職也。蜡讀如狙。司之狙。又作狸。又作

清預反。鶂。更白反。埋亡皆反。又作狸。又作

雍氏下士二人徒八人

雍謂隄防止水者也。雍於勇反。又如字。

萍氏下士二人徒八人

鄭司農云。萍讀爲蜚。或爲萍號起雨之萍。

玄謂今天問萍號作萍。爾雅曰。萍萍其大者。蘋讀如小子言平之平。萍氏主水禁。萍之草無根而浮。取名於其不沈溺。萍音平。

司寤氏下士二人徒八人

寤覺也。主夜覺者。覺音教。

司烜氏下士六人徒十有二人

烜火也。讀如衛侯燬之燬。

故書燬爲烜。鄭司農云。當爲烜。烜音毀。

條狼氏下士六人胥六人徒六十人

杜子春云。條當

為滌器之滌。玄謂滌除也。
狼。狼扈道上。條音滌。

脩閭氏。下士二人。史一人。徒十有二人。
閭謂里門。

冥氏。下士二人。徒八人。
鄭司農云。冥讀為冥氏。春秋之冥。玄謂冥。

方之冥。以繩縻取禽獸之名。冥如字。又莫歷反。縻亡皮反。

庶氏。下士一人。徒四人。
庶讀如藥煮之煮。驅除毒蠱之言。書不作。

蠱者。字從聲。庶音音。煮。又章預反。蠱音古。

穴氏。下士一人。徒四人。
尤。搏蟄獸所藏者。搏音博。蟄直立反。

翼氏。下士二人。徒八人。
翼。鳥翮也。鄭司農云。翼讀為翅。翼之翅。

翬音翹又
吉鼓反

柞氏下士八人徒二十人

柞除木之名。除木者必先拔剥之。鄭

司農云。柞讀爲音聲。喈喈之喈。屋竿之竿。

柞側百反。喈竿皆同。拔古飽反。

薙氏下士二人徒二十人

書。薙或作夷。鄭司農云。掌殺草。故春

秋傳曰。如農夫之務去草。芟夷蘊崇之。又今俗間謂麥下爲夷。言芟夷其麥。以其下種禾豆也。玄謂薙讀如鬚。小兒頭之鬚。書或作夷。此皆翦草也。字從類耳。月令曰。燒薙行水。非謂燒所芟草乃水之。薙本作雉。他計反。蘊紆粉反。鬚他計反。

砮蒺氏下士一人徒二人

鄭司農云。砮讀爲。蒺讀爲。爵族之。

族。謂巢也。玄謂。若古字從石折聲。〔若〕他歷反。又丈列反。又勅徹反。〔族〕倉獨反。

商 翦氏下士一人徒二人 翦斷滅之言也。主除蟲蠹者。詩云。實始翦

赤友氏下士一人徒二人 赤友猶言抹拔也。主除蟲豸自埋者。

○〔赤〕如字。一采昔反。〔友〕音跋。〔抹〕采昔反。〔拔〕畔末反。又蒲八反。〔豸〕直氏反。

蝮氏下士一人徒二人 鄭司農云。蝮讀為蜮。蜮蝦蟇也。月令曰。螻

蝮鳴。故曰。掌去鼃鼃。鼃鼃蝦蟇屬。書或為掌去蝦蟇。玄謂蝮。今御所食蛙也。字從虫。國聲也。蜮乃短狐與。〔蝮〕古獲反。又音或。〔蜮〕音或。一古獲反。〔鼃〕戶蝸反。〔鼃〕莫幸反。〔與〕音餘。

壺涿氏下士一人徒二人

壺謂瓦鼓。涿擊之也。故書涿爲獨。鄭

司農云。獨讀爲濁。其源之濁。音與涿相近。書亦或爲濁。涿陟角反。又音濁。

庭氏下士一人徒二人

庭氏主射妖鳥。令國中絜清如庭者也。

射食亦反。清才性反。又如字。

銜枚氏下士二人徒八人

銜枚止言語。蹏謹

之爲之繡。結於項。蹏五高反。一許驕反。謹音歡。箸直慮反。繡戶卦反。又胡麥反。

伊耆氏下士一人徒二人

伊耆古王者號。始爲蜡以息老物。此

主王者之齒杖。後王識伊耆氏之舊德。而以名官與。今姓有伊耆氏。耆巨之反。蜡仕詐

反

大行人。中大夫二人。

小行人。下大夫四人。

司儀。上士八人。中士十有六人。

行夫。下士三十有二人。府四人。史八人。胥八

人。徒八十人。

行夫。主國使之禮。使所吏反。

環人。中士四人。史四人。胥四人。徒四十人。

猶環

圍也。主圍賓客任器爲之守衛。環戶關反。又戶串反。

象胥每翟上士一人。中士二人。下士八人。徒

二十人。

通夷狄之言者曰象胥。其有才知者也。此類之本名。東方曰寄。南方曰象。

西方曰狄鞮。北方曰譯。今摠名曰象者。周之德先致南方也。〔知〕音智。〔鞮〕丁兮反。〔譯〕音亦。

掌客。上士二人。下士四人。府一人。史二人。胥

二人。徒二十人。

掌訝。中士八人。府二人。史四人。胥四人。徒四

十人。

訝。迎也。賓客來。主迎之。鄭司農云。訝。讀爲跛者。訝跛者之訝。〔跛〕波可反。

掌交。中士八人。府二人。史四人。徒三十有二

人

主交通結
諸侯之好

掌察四方。中士八人。史四人。徒十有六人。

掌貨賄。下士十有六人。史四人。徒三十有二

人。

朝大夫。每國上士二人。下士四人。府一人。史

二人。庶子八人。徒二十人。

此王之士也。使主
都家之國治。而命

之朝大
夫云

都則。中士一人。下士二人。府一人。史二人。庶

秋官上